



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

4. In Ædificatione Domus Sapientiæ initium ducendum à Deo.

[urn:nbn:de:hbz:466:1-46065](#)

ARTICVLVS IV.

In Aedificatione Domus Sapientiae initium descendum à Deo.

EX hactenus commemoratis satis liquet, verissimum esse istud: *Nisi Dominus adificauerit Domum, in vanum laborauerunt qui adificant eam:* ac proinde, coniunctionem cum D E O per veram iustitiam, pietatem, amicitiam, quæ per mandatorum Diuinorum obseruationem obtinetur & conseruatur, esse optimum medium Scientiam Sapientiamque obtainendi; & frustra esse, qui sine hoc, manum imprudenter Aedificationi Aedificij Diuini admouet. Hinc sit, ut Adolescentes parui ingenij, sed magnæ pietatis puritatisque, socios valde ingenuos; hebetioris intellectus admodum acutos; obliuosi, memoria tenaces, nullis penè naturæ subsidijs praediti, omnibus naturæ dotibus instructos, breui multis parasangis praecedant. Quocirca meum solet esse Consilium, ut litterarum studiosi, quamprimum animum in aliqua disciplinâ, ad illius arcana peruidenda, & scientias addiscendas applicant, sacra de peccatis omnibus exomologesi, sumptaq; cum peculiari deuotione Synaxi, auxiliatorem D E V M sibi propitium ac beneuolum current reddere: *Quo pacto ad benignos Domini influxus, ipsamque Sapientiam recipiendam retinendamque se- se aptabunt.* Nimirum, D E I donum est scientia omnis descendens à Patre luminum; sicut autem generosum vinum vas requirit non putidum, non fæce, vel amurcâ sordidum, sed benè perpurgatura purumque; ita illa, postulat animum à peccati labe mundatum & nitentem, Nam in maleuolam animam non introibit Sapientia, nec hababit in corpore subdito peccatis, ut inquit Sapiens, cap. i. Sapientia. Quemadmodum in speculo labeculis insperso,

st 3

stellæ

stellæ aur non videntur , aut obscurè admodum: sic in mente peccatis infestâ, & multo magis criminibus gravioribus, radij Diuini ad Scientiam maximè necessarij, ipsaque Scientia, aut non enitet, aut tenuiter admodum. Cogitate populum Iudaicum Dei iussu tribus diebus veteris vitæ sordes purgauisse, priusquam ad legis Sapientiam descendam admitteretur: & nobis peccatorum sordibus inquinatissimis incerta & occulta Sapientia Diuinæ mox patebunt?

EST accommodata huic loco similitudo S. Augustini, quam habet in Soliloquijs, lib 1. cap. 6. Disciplinarum certissima talia esse, qualia illa , quæ à sole illuminantur, ut videri possint: DEVM autem esse qui illustret. Ad cuius explicationem adiungit S. Thomas loco cit. Ratio ita est in mentibus humanis, vt in oculis aspectus: mentis enim oculi sunt sensus animæ. Sed sensus corporis quantumcumque sit purus, non potest aliquid visibile cernere, sine Solis alterius-ve astri illuminatione , aut insito quadam lumine. Ergo, hominum mens quantumcumque sit perfecta, non potest ratiocinando veritatem cognoscere , absque illustratione Diuina. Ad quam obtainendam , alterum do Consilium, vt nunquam litterarum studiosus mane , meridie, & vespere libro tractare incipiat, nisi precibus ad DEUM Diuosq; Cœlites præmissis, opem Principis Architecti imploraret. Apud Gentiles, quos Natura solùm instituerat, solenne erat illud, A Ioue principium. Et in Republica Romana omnium rerum magnarum à Diis immortalibus principia duci consuesce Tullius profitetur. Illud quoque à maioribus bene ac sapienter institutum Plinius in panegyrico commendat , vt quemadmodum rerum agendarum, ita dicendi (adde, studndi) initium à preceptionibus caperetur, quod nihil recte, nihilque prouidenter

denter sine Deorum immortalium ope, consilio, honore auspicarentur.

EXEMPLVM eius præclarum est, pro Oratoribus, in Cicerone, defendente Rabinum perduellionis reum, atque ita exordiēt: Primum quod in tantâ dimicatio-,, ue capitis, famæ, fortunarumq; omnium fieri necesse,, est, ab Ioue Opt. Max. ceterisque Diis Deabusque im-,, mortalibus, quorum ope & auxilio multo magis hæc,, Respublica. quām ratione hominum gubernatur, pa-,, cem ac veniam peto: precorque ab ijs, vt hodiernum,, dicim, & ad huius salutem cōseruandam, & ad Remp.,, constituendam ILLUXISSE patiantur. Quemadmodum autem priscos Oratores ab Ioue, ita antiquos vates ab inuocatione Numinis alicuius principia proœn iaque traxisse animaduertimus. Cuius antiquissimi moris meminit Seruius, tum in Id. vii. Ænead.

Dij nostra incepta secundent. Tum in illud xii.

Prefatus Dinos folio Rex infie ab alto.

Religiosius Poëtæ Christiani, ab inuocatione Sanctissi-
mæ TRIADOS, aut SPIRITVS-SANCTI, adiuncto DEI-
PARÆ patrocinio, opera sua aggrediuntur. Quorū plu-
rima sūt exépla, at vnius maximè oblectauit me recētis,
sed nobilis Poëtæ carmen inuocatorium, quod princi-
pio suæ Soteridos (sic appellat, Christi Soteris Nostrí
vitam omnem libris XII. versu heroico conscriptam) in-
seruit, dignum quod hic quoque legatur.

Tu Numen, Tu verus honos, Tu Spiritus almus
Et Nati, & Genitoris Amor, Tu vincula rerum,
sancte moue Vatem. Sunt magna exordia, magnæ
Hoc incœptum animi, tantæ sed pondera molis
Haud renuam, sancto firmes si pectus anhelum.
Numine, & adflatum tantas euoluere caussas
Posle dabis. Cælo quare descendit alto
Vera DEI soboles, & sacra Virginis aluo
Se olim condidérat Tibi plus quām nota parescunt.

F 4

Te

Te sine nil altum mens inchoat. Enage, cunctas
 Rumpe moras. Helicona mihi cœlestis Olympi
 Pande libens, sacroque tuum medicamine Vatem
 Imbue & errorum quidquid superesse videbis,
 Pelle procul, puramque meo sub pectore mentem
 Conde, mihi, ut pateant, tantarum exordia rerum.
 Lætus & optatæ referam solatia palmæ.
 Tu Genitrix, Tu Sponsa Deus, Tu Filia tanti
 Principis, haud renuas votis, precibusque vocari
 Tu Sydus, Tu Diua mihi, Tu Numen, honosque
 Tu quoque Virginei flos intemerata pudoris
 Cuique nouem menses libuit gestare potentem
 Carminis Auctorem, & sacratum condere pignus
 Virginis claustris: nec erat dubitabile verum,
 Da scopulos vitare omneis, vitare minaceis
 Et cœli, pelagiique iras, & in hospita saxa:
 Ut tandem valsam reduci contingere cymba
 Optatum lirtus, portusque intrare petitos.

Stephanus Maccius Durantinus,

ARTICULUS V.

*In Nomine Domini inchoanda edificatio
 DOMVS S APIINTIA.*

VSTINIANVS Imperator Institutiones suas à solemani illa formulâ, Sapientiæ Amatoribus, in libris omnibus suis, immò disputationibus, & differentiationibus ac consultationibus, publicis & priuatis usurpandâ. IN NOMINE DOMINI, auspicatur. Quâ, in vestibulo præclarissimi operis, dum Adolescentes maturi, post litteraturæ politioris, & Philosophiæ studia, Themidis sacris iniciari incipiunt, eos monere voluit, tanquam optimus Iustitiæ Sacerdos, illos non propriarum virium fiduciâ, non ingenij perspicacis, non tenacis memorie, non confirmati iudicij, denique non naturæ, quamuis optimæ præsidijs nivos, ad grauissimi, & Reipublicæ Christianæ, post sacram Doctrinam vti-

lissimi